

DECRETO

Ilma. Sra. Dona Ana M^a González Abelleira, Tenenta de alcalde delegada da Área de Xestión integral de Recursos Internos do Excmo. Concello de Lugo.

- Visto o acordo 2/503 da Xunta de Goberno Local adoptado en sesión ordinaria celebrada o 17 de decembro de 2025, de aprobación da Oferta de Emprego Público correspondente ao ano 2025.

- Visto o acordo 7/79 **BASES ESPECÍFICAS PARA O ACCESO EN PROPIEDAD DE 1 PRAZA DE EDUCADOR/A SOCIAL PERTENCENTE AO CADRO DE PERSOAL FUNCIONARIO DO EXCMO. CONCELLO DE LUGO EN QUENDA DE ACCESO LIBRE (OEP 2025)**, adoptado pola Xunta de Goberno Local o 4 de marzo de 2026.

Por todo o anteriormente exposto, en base as atribucións delegadas por decreto nº 10280/2025 de 04/11/2025 ditado polo Excmo. Sr. Alcalde Presidente do Excmo. Concello de Lugo, modificado polo decreto nº 11673/2025, de 12/12/2025 e, ás atribucións delegadas por acordo 40/607 da XGL en sesión celebrada o 26 de xullo de 2023, modificado polo acordo 1/284, de 19 de xuño de 2024, **RESOLVO:**

PRIMEIRO.- Convocar o proceso selectivo para o acceso en propiedade a 1 PRAZA DE EDUCADOR/A SOCIAL PERTENCENTE AO CADRO DE PERSOAL FUNCIONARIO DO EXCMO. CONCELLO DE LUGO EN QUENDA DE ACCESO LIBRE (OEP 2025), que se rexerá polas "Bases xerais para o acceso en propiedade a prazas de funcionarios/as e persoal laboral do Excmo. Concello de Lugo en quenda libre así como as prazas reservadas a promoción interna", aprobadas por acordo 10/857 da Xunta de Goberno adoptado na sesión ordinaria celebrada o 15 de novembro de 2023, sendo publicadas no Boletín Oficial da Provincia de Lugo nº 278, do 4 de decembro de 2023, así como polas bases específicas aprobadas por acordo 7/79 adoptado pola Xunta de Goberno Local o 4 de marzo de 2026, que seguidamente se transcribe:

"PRIMEIRO.- Aprobar as bases específicas para o acceso en propiedade de 1 praza de educador/a social pertencente ao cadro de persoal funcionario do Excmo. Concello de Lugo en quenda libre (OPE 2025) do seguinte teor literal:

BASES ESPECÍFICAS PARA O ACCESO EN PROPIEDAD DE 1 PRAZA DE EDUCADOR/A SOCIAL PERTENCENTE AO CADRO DE PERSOAL FUNCIONARIO DO EXCMO. CONCELLO DE LUGO EN QUENDA DE ACCESO LIBRE (OPE 2025)

1º.- OBXECTO.- *Estas bases específicas teñen por obxecto a regulación dos aspectos particulares do proceso de selección para o acceso, como funcionario/a*

PERSOAL

ESC/mvs

Refº: ispac8791187365202738699.doc

Asunto: Convocatoria 2 prazas Educador Social Libre (OEP 2025)

de carreira, a unha praza de educador/a social do cadro de persoal funcionario do Excmo. Concello de Lugo, en quenda libre, en todo o que non estea previsto nas "Bases xerais para o acceso en propiedade a prazas de funcionarios/as e persoal laboral do excmo. concello de lugo en quenda libre así como as prazas reservadas a promoción interna", aprobadas por Acordo 10/857 da Xunta de Goberno, adoptado na sesión ordinaria celebrada o 15 de novembro de 2023, publicadas no Boletín Oficial da Provincia de Lugo nº 278, do 4 de decembro de 2023.

2º.- CARACTERÍSTICAS DA PRAZA

- a) Denominación da praza: educador/a social*
- b) Grupo de titulación: grupo A (subgrupo A2)*
- c) Outras características:*
 - Escala: administración especial*
 - Subescala: técnica*

3º.- SISTEMA SELECTIVO.- *De conformidade co previsto nas bases xerais citadas, o sistema selectivo será o de oposición.*

4º.- TITULACIÓN E OUTROS REQUISITOS ESIXIDOS PARA O ACCESO Á PRAZA:

- Título de mestre/a ou graduado/a nunha titulación que habilite para o exercicio da profesión de mestre/a en educación primaria ou diplomado/a en Educación Social, ou primeiro ciclo da titulación de licenciado/a en Pedagogía, da titulación de licenciado/a en Psicoloxía ou da titulación de licenciado/a en Psicopedagogía, ou graduado/a nunha titulación da rama de ciencias sociais e xurídicas ou da rama de ciencias da saúde equivalente a calquera das anteriores.

Para os efectos desta convocatoria, o termo equivalente entenderase referido exclusivamente ás titulacións que, como consecuencia da implantación de novos estudos adaptados ás sucesivas reformas educativas, substitúan ás titulacións extinguidas.

- Certificado de delitos de natureza sexual.*

5º.- SOLICITUDE DE PARTICIPACIÓN

As solicitudes para participar no correspondente proceso selectivo haberán de axustarse ao modelo aprobado polo Excmo. Concello de Lugo.

As solicitudes presentaranse preferentemente por vía electrónica a través da sede electrónica do Concello de Lugo (www.lugo.gal/portal/). Poderán tamén presentarse en calquera das formas que determina o artigo 16.4 da Lei 39/2015, do 1 de outubro, do procedemento administrativo común das administracións públicas.

De conformidade co artigo 14.3 da Lei 39/2015, do 1 de outubro, do procedemento administrativo común das administracións públicas, o Concello de Lugo poderá establecer regulamentariamente que as persoas participantes nos

procesos selectivos por el convocados deban relacionarse obligatoriamente a través de medios electrónicos nos termos que establezan as correspondentes convocatorias.

Ás solicitudes de participación deberá xuntarse a seguinte documentación:

a) DNI, pasaporte ou documento que o substitúa noutros estados membros da Unión Europea.

b) Xustificante de ter ingresados os dereitos de exame. As taxas por dereito de exame para este grupo están fixadas en 17,30 € de acordo coa Ordenanza fiscal número 119 vixente neste momento no Concello, téndose que estar en todo o relativo aos dereitos de exame co establecido na citada ordenanza. O aboamento da citada taxa farase en modelo normalizado de autoliquidación de "Taxas e Prezos Públicos" que se atopa a disposición dos interesados nas oficinas administrativas do Excmo. Concello de Lugo e na súa páxina web. Deberase indicar no impreso o nome e apelidos da persoa aspirante e a categoría á que opta.

De acordo ca ordenanza fiscal número 119 actualmente vixente estarán exentas do pago da taxa por dereitos de exames as persoas con discapacidade igual ou superior ao 33%.

Así mesmo, estarán exentas as persoas que formen parte dunha familia numerosa de carácter especial, e gozarán dunha bonificación do 50% as de carácter xeral. Son familias numerosas de carácter especial segundo o disposto no artigo 4 da Lei 40/2003, do 18 de novembro, de protección ás familias numerosas as familias de cinco ou máis fillos e as de catro fillos dos cales, polo menos, tres procedan de parto, adopción ou acollemento permanente ou preadoptivo múltiples.

Gozarán dunha bonificación do 50% as persoas que acrediten atoparse en situación de desemprego durante o prazo, ao menos, dun mes anterior á data da convocatoria.

En ningún caso, a presentación e pago da taxa dos dereitos de exame supoñerán a substitución do trámite de presentación, en tempo e forma da solicitude.

c) Título de mestre/a ou graduado/a nunha titulación que habilite para o exercicio da profesión de mestre/a en Educación Primaria ou diplomado/a en Educación Social, ou primeiro ciclo da titulación de licenciado/a en Pedagogía, da titulación de licenciado/a en Psicoloxía ou da titulación de licenciado/a en Psicopedagogía, ou graduado/a nunha titulación da rama de ciencias sociais e xurídicas ou da rama de ciencias da saúde equivalente a calquera das anteriores.

d) Certificado de delitos de natureza sexual.

*O prazo de presentación de instancias será de **vinte días hábiles**, contados dende o seguinte á publicación do anuncio da convocatoria no Boletín Oficial do Estado.*

6º.- LISTA DE PERSOAS ADMITIDAS E EXCLUÍDAS

Rematado o prazo de presentación de instancias, a Alcaldía ou concelleira/o delegada/o, se é o caso, ditará resolución pola que se declarará aprobada a lista de

persoas admitidas e excluídas, con indicación do motivo de exclusión, e sinalarase un prazo de dez días hábiles para emendas, de acordo co artigo 68 da Lei 39/2015, do 1 de outubro, do procedemento administrativo común das administracións públicas. A data, hora e lugar de celebración dos exercicios poderán publicarse conxunta ou separadamente coa lista provisional de persoas admitidas e excluídas.

Quen dentro do prazo sinalado non emende os defectos xustificando o seu dereito de admisión será definitivamente excluído/a do proceso selectivo.

Finalizado o prazo de corrección, o órgano competente ditará resolución declarando aprobada a lista definitiva de persoas admitidas e excluídas. Se non se presentasen correccións á listaxe provisional no prazo concedido, esta quedará automaticamente elevada a definitivo.

O feito de figurar na relación de persoas admitidas non supón que se recoñeza ás persoas interesadas o cumprimento dos requisitos esixidos para participar no proceso selectivo. Cando do exame da documentación que se presente se desprenda que non se cumpre algún dos requisitos, decaerán todos os dereitos que puidesen derivarse da súa participación no proceso. Non será emendable a non presentación da documentación requirida en tempo e forma.

7º.- PROBAS SELECTIVAS

As probas selectivas que deberán superar os aspirantes á praza á que se refiren estas bases específicas son as seguintes:

A) DE CARÁCTER OBRIGATORIO E ELIMINATORIO

PRIMEIRO EXERCICIO, teórico: consistirá en contestar un cuestionario de oitenta (80) preguntas tipo test, mais tres (3) preguntas de reserva, correspondente ao conxunto do programa, temario de materias común e temario de materias específicas, con tres respostas alternativas propostas polo tribunal, das cales só unha delas será correcta. O tempo máximo para a realización do exercicio será de 100 minutos. O exercicio cualificarase de 0 a 10 puntos, e para superalo será necesario obter un mínimo de 5 puntos. Acadarase unha puntuación mínima de 5 puntos cando as respostas correctas se correspondan co 50% da totalidade das preguntas, para o cal se terá en conta que por cada tres (3) respostas incorrectas se descontará unha correcta. A resposta en branco terá puntuación cero.

SEGUNDO EXERCICIO, teórico: consistirá no desenvolvemento por escrito, durante un tempo máximo de 2 horas, de 2 temas de entre 3 extraídos ao chou entre os comprendidos no temario de materias específicas. O exercicio cualificarase de 0 a 10 puntos e para superalo será necesario obter un mínimo de 5 puntos.

TERCEIRO EXERCICIO, práctico: consistirá na resolución dun ou varios supostos prácticos durante un tempo máximo de 3 horas. O dito suposto ou supostos prácticos serán formulados polo tribunal inmediatamente antes do comezo do exercicio correspondente, e estará relacionado cos contidos do programa e coas funcións propias da natureza das prazas. No anuncio de convocatoria deste exercicio, o tribunal determinará os medios materiais dos que deberá ou poderá ir provisto o persoal aspirante para a súa realización.

O exercicio cualificarase de 0 a 10 puntos, e para superalo será necesario obter un mínimo de 5 puntos.

B) COÑECEMENTO DA LINGUA GALEGA

Na realización deste exercicio e na súa valoración, estarase ao disposto na base décimo cuarta, letra C, das bases xerais para o acceso en propiedade a prazas de funcionarios/as e persoal laboral do Excmo. Concello de Lugo en quenda libre así como ás prazas reservadas a promoción interna, aprobadas pola Xunta de Goberno o 15 de novembro de 2023 (BOP nº 278, do 4 de decembro de 2023).

A cualificación final de cada aspirante na fase de oposición será a resultante da suma das cualificacións de cada un dos exercicios obrigatorios e eliminatorios.

8º.- PROGRAMA TEMARIO DE MATERIAS ESPECÍFICAS

Tema 1. A política social no marco internacional e na Unión Europea. A Declaración Universal dos Dereitos Humanos (1948). A Carta Social Europea (1961). Fondo Social Europeo. A axenda 2030 para o desenvolvemento sostible (2015).

Tema 2. Historia e evolución dos sistemas de protección social. Políticas sociais. O Estado de Benestar Social. O papel da educación social.

Tema 3. Os servizos sociais en España: marco normativo e competencial das distintas administracións públicas: estatal, autonómica e local.

Tema 4. A Lei 13/2008, do 3 de decembro, dos servizos sociais de Galicia. Principios xerais, obxecto e obxectivos da Lei. Titulares do dereito de acceso aos servizos sociais. Dereitos e deberes das persoas usuarias.

Tema 5. Decreto 99/2012, do 16 de marzo, polo que se regulan os servizos sociais comunitarios e o seu financiamento, modificado polo Decreto 148/2014, do 6 de novembro.

Tema 6. Marco competencial dos servizos sociais no Concello de Lugo. A área competente en materia de benestar social: estrutura organizativa, servizos, programas e equipamentos.

Tema 7. A educación social como disciplina: orixe e evolución. A educación social no conxunto das ciencias sociais.

Tema 8. A figura do educador/a social: funcións, competencias e ámbitos de actuación. A ética da actividade profesional. O código deontolóxico do educador/a social.

Tema 9. A protección de datos nos servizos sociais. LO 3/2018, do 5 de decembro, de protección de datos persoais e garantía dos dereitos dixitais.

Tema 10. A interdisciplinariedade e o traballo en equipo nos servizos sociais comunitarios. Funcións do educador/a social como parte do equipo dos servizos sociais comunitarios básicos. A coordinación do traballo en equipo.

Tema 11. A análise da realidade social: paradigmas, métodos e técnicas de investigación social en educación social benestar social

Tema 12. A Lei 3/2011, do 30 de xuño, de apoio á familia e á convivencia en Galicia.

Tema 13. Decreto 406/2003, do 29 de outubro, polo que se modifica o Decreto 42/2000, do 7 de xaneiro, polo que se refunde a normativa reguladora vixente en materia de familia, infancia e adolescencia.

Tema 14. Decreto 192/2015, do 29 de outubro, polo que se define a Carteira de servizos sociais de familia, infancia e adolescencia. O Observatorio Galego da Familia e Infancia. O Consello Autonómico da Infancia e a Adolescencia

Tema 15. Planificación, deseño da intervención e avaliación na educación social.

Tema 16. Os programas de educación e intervención familiar nos servizos sociais comunitarios. Procesos da intervención socioeducativa. O proxecto socioeducativo como eixe da intervención do/a educador/a social.

Tema 17. A familia. O ciclo vital familiar. Novos modelos de familia. Familias multiproblemáticas. Funcións e vínculos parentais. Modelos de intervención.

Tema 18. Lei 10/2013, do 27 de novembro, de inclusión social de Galicia. Obxecto e natureza. Tipoloxía das axudas.

Tema 19. A entrevista na intervención familiar. Concepto, características e obxectivos. Tipoloxía e aplicación metodolóxica. A alianza terapéutica.

Tema 20. A intervención dos servizos sociais comunitarios en situacións de urxencia e emerxencia social. Intervención en crise. Relación con outros ámbitos de intervención.

Tema 21. Lei orgánica 1/1996, do 15 de xaneiro, de protección xurídica do menor, de modificación parcial do Código civil e da Lei de axuízamento civil.

Tema 22. Lei orgánica 8/2021, do 4 de xuño, de protección integral á infancia e á adolescencia fronte á violencia. Competencias e actuacións dende os servizos sociais comunitarios. Responsabilidade penal dos menores.

Tema 23. A intervención dos servizos sociais comunitarios no ámbito escolar. Detección, prevención e actuacións ante situacións de abuso e acoso escolar. O absentismo escolar. Protocolo de actuación. Menores con necesidades educativas especiais, recursos nos centros educativos.

Tema 24. Recursos para a protección de menores en situación de risco e desprotección. Instrumento para a valoración da gravidade das situacións de desprotección infantil nos servizos sociais especializados en protección de menores na comunidade autónoma de Galicia (Valora).

Tema 25. A Lei galega de xuventude de Galicia. Plans e programas estatais e autonómicos en materia de xuventude. O consello asesor e consultivo de xuventude de Galicia. A área competencial en materia de xuventude no Concello de Lugo: programas e equipamentos.

Tema 26. Lei 39/2006, do 14 de decembro, de promoción de autonomía persoal e atención ás persoas en situación de dependencia.

Tema 27. O envellecemento activo. Principais factores que interveñen no mantemento das capacidades funcionais e cognitivas. A soidade non desexada: detección. Criterios e principios que deben rexer as intervencións ante situacións de soidade. Plans e programas nos ámbitos estatal, autonómico e local.

Tema 28. A intervención socioeducativa coas persoas maiores. A atención residencial e domiciliaria. Recursos e programas.

Tema 29. A intervención socioeducativa con persoas en situación de exclusión social, pobreza e sen fogar. Causas e elementos condicionantes. Estratexias de actuación. Centros, servizos, programas e recursos.

Tema 30. Diversidade funcional: conceptualización e características. Recursos sociocomunitarios. A intervención do educador/a social con colectivos con dificultades especiais. Medidas de apoio ás persoas con discapacidade no exercicio da súa capacidade xurídica.

Tema 31. A intervención en saúde mental dende a educación social. A abordaxe da involuntariedade, intervencións obrigadas e coercitivas. A abordaxe da conduta suicida dende os servizos sociais.

Tema 32. O sistema español da seguridade social. Prestacións. O Ingreso Mínimo Vital. Normativa, obxecto e ámbito de aplicación.

Tema 33. O emprego como factor de inclusión social. A protección por desemprego. Os itinerarios de inserción sociolaboral. As empresas de inserción. Benestar Social

Tema 34. Lei orgánica 14/2003, do 20 de novembro, de reforma da Lei orgánica 4/2000, do 11 de xaneiro, sobre dereitos e liberdades dos estranxeiros en España e a súa integración social.

Tema 35. Os procesos migratorios. Orixe e características. O sistema de protección internacional: asilo e protección subsidiaria.

Tema 36. A intervención socioeducativa coas minorías étnicas. Aspectos sociodemográficos e culturais. Necesidades e recursos.

Tema 37. A vivenda como factor de inclusión social. Políticas públicas de vivenda e recursos. A intervención social en casos de desafiuzamento.

Tema 38. As novas tecnoloxías e a innovación social. Importancia e funcións didácticas das novas tecnoloxías na sociedade actual. Educación para o seu uso crítico.

Tema 39. O enfoque de xénero na educación social. Identidades e roles de xénero. Violencia de xénero. Aspectos legais e sociais. O ciclo da violencia. Modelos explicativos de malos tratos.

Tema 40. Desenvolvemento comunitario: historia, teoría e modelos. Principios. ámbitos e niveis de intervención dende a educación social.

Tema 41. As habilidades sociais. Concepto. Dimensións e modelos explicativos, avaliación e adestramento en habilidades sociais. Ámbitos de aplicación.

Tema 42. O grupo: concepto e tipoloxías. Estrutura. Características. Liderado e procesos intergrupais: relacións e conflitos nos grupos e entre grupos. Técnicas de dinamización grupal.

Tema 43. A animación sociocultural. Definición. A animación sociocultural como proceso educativo nas diferentes etapas da vida. O ocio e tempo libre. Programas e equipamentos socioculturais e educativos do Concello de Lugo.

Tema 44. A educación non formal: concepto e tipoloxía. Instrumentos educativos. A educación permanente de adultos.

Tema 45. A educación regrada. Normativa reguladora. Os ciclos da formación profesional. A formación nos servizos públicos de emprego.

Tema 46. Adicción e comportamentos adictivos: uso e abuso de substancias legais e non legais. Adiccións comportamentais. Prevención e tratamento de drogodependencias e outras adiccións: os programas de prevención e ámbitos de intervención no Concello de Lugo.

Tema 47. A educación no tempo de lecer. O xogo na animación do ocio e o tempo de lecer. Planificación, estrutura e organización do xogo.

Tema 48. Lei orgánica 3/2007, do 22 de marzo, para a igualdade efectiva de mulleres e homes: o principio de igualdade e a tutela contra a discriminación. Políticas públicas para a igualdade: principios xerais.

9º.- TRIBUNAIS CUALIFICADORES

De acordo co establecido na base décimo terceira das bases xerais para o acceso en propiedade a prazas de funcionarios e persoal laboral do Excmo. Concello de Lugo en quenda libre (BOP nº 99, do 2 de maio de 2017, e nº 274, do 29 de novembro de 2018), a composición dos tribunais cualificadores será o seguinte:

Presidente: un/unha funcionario/a do grupo A1, ou A2 no caso de que as prazas convocadas correspondan a esta categoría ou a unha inferior, nomeada/o por resolución da Alcaldía entre persoal de calquera das administracións públicas (local, autonómica o u estatal) incluído o persoal docente.

Vogais:

Tres técnicas/os ou especialistas de igual ou superior titulación á da praza convocada e da mesma área de coñecemento, nomeadas/os por resolución da Alcaldía, ben entre persoal de calquera das administracións públicas (local, autonómica ou estatal) ou ben entre profesionais ou persoal docente.

Secretaria/o: secretario/a da corporación ou persoa funcionaria en quen delegue.

Á súa vez será aplicable a instrución para o funcionamento e actuación dos órganos de selección do Excmo. Concello de Lugo que se aprobe por acordo da Xunta de Goberno Local.

10º.- LISTA DE RESERVAS

Unha vez finalizado o proceso selectivo para a cobertura definitiva de prazas como funcionario/a de carreira ou persoal laboral en quenda libre, confeccionarase

unha lista pola orde de puntuación acadada por cada aspirante que non superou este, tendo en conta que para estar incluída/o nesta lista hai que, polo menos, aprobar o primeiro exercicio do proceso selectivo. A partir de todas as persoas que superaron este, sumaranse as puntuacións obtidas en cada exercicio, e así confeccionarase a lista para a cobertura de interinidades.

Esta lista de reservas caducará naquel momento no que como resultado dun proceso selectivo posterior para a mesma categoría sexa xerada unha lista máis actualizada.

11º.- RECURSOS

Contra este acto que pon fin á vía administrativa, de conformidade co previsto nos artigos 25 e 46 da Lei 29/1998, do 13 xullo, reguladora da xurisdición contencioso-administrativa, poderá interpoñer recurso contencioso-administrativo ante o xulgado desta orde de Lugo no prazo de dous meses, contados dende o día seguinte ao da notificación.

Non obstante, poderá interpoñer, nos termos dos artigos 123 e 124 da Lei 39/2015, do 1 de outubro, do procedemento administrativo común das administracións públicas, recurso potestativo de reposición ante o mesmo órgano que ditou o acto, no prazo de 1 mes, contado dende o día seguinte á súa notificación. Contra a resolución expresa do recurso de reposición, poderá interpoñer o recurso contencioso-administrativo no devandito prazo de dous meses e, no caso de que non se resolva expresamente, poderá presentarse en calquera momento, dende que se produza o silencio administrativo.

Todo isto sen prexuízo de que poida interpoñer calquera outro recurso que estime conveniente.

SEGUNDO.- *Publicar, xunto coa súa convocatoria, estas bases no Boletín Oficial da Provincia, e un extracto no DOG e BOE."*

SEGUNDO.- *Contra este acto que pon fin á vía administrativa, de conformidade co previsto nos artigos 25 e 46 da Lei 29/1998, do 13 xullo, reguladora da xurisdición contencioso-administrativa, poderá interpoñer recurso contencioso-administrativo ante o xulgado desta orde de Lugo no prazo de dous meses, contados dende o día seguinte ao da notificación.*

Non obstante, poderá interpoñer, nos termos dos artigos 123 e 124 da Lei 39/2015, do 1 de outubro, do procedemento administrativo común das administracións públicas, recurso potestativo de reposición ante o mesmo órgano que ditou o acto, no prazo de 1 mes, contado dende o día seguinte á súa notificación. Contra a resolución expresa do recurso de reposición, poderá interpoñer o recurso contencioso-administrativo no devandito prazo de dous meses e, no caso de que non se resolva expresamente, poderá presentarse en calquera momento, dende que se produza o silencio administrativo.

Todo isto sen prexuízo de que poida interpoñer calquera outro recurso que estime conveniente.

Asinado dixitalmente ,

Ilma. Sra. Dona Ana Ma González Abelleira, Tenenta de alcalde delegada da Área de Xestión integral de Recursos Internos do Excmo. Concello de Lugo.